

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/04, 14.01.2022թ.

Բողոք բերող անձ՝ «Դ-Քոմփանի» ՍՊԸ

Պատվիրատու՝ «Դուբիկ Հարությունյանի անվան Արուսյանի բժշկական կենտրոն» ՓԲԸ

Գնման ընթացակարգի ծածկագիրը՝ «ԱԲԿ ԳՀ ԱՊՁԲ 22/3» գնանշման հարցում

Գնման առարկան՝ դեղորայքի ձեռքբերում

Բողոքի պահանջը՝ պարտավորեցնել «ԱԲԿ ԳՀ ԱՊՁԲ 22/3» ծածկագրով գնանշման հարցման ընթացակարգի գնահատող հանձնաժողովին՝

1. 13.12.2021թ.-ին կազմված թիվ 2 արձանագրությունը՝ «Դ-Քոմփանի» ՍՊԸ-ի հայտը մերժելու մասով անվավեր ճանաչել/վերացնել,

2. «Դ-Քոմփանի» ՍՊԸ-ին թույլատրել կատարել 13.12.2021թ.-ի թիվ 2 արձանագրությամբ սահմանված անհամապատասխանությունների շտկում,

3. անվավեր ճանաչել 03.01.2022թ.-ի բանակցությունների արդյունքում կազմված թիվ 3-րդ արձանագրությունը՝ 91-րդ չափաբաժնի մասով, և այդ մասով անցկացնել գների իջեցման շուրջ միաժամանակյա նոր բանակցություններ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Բողոքաբեր՝ «Դ-Քոմփանի» ՍՊԸ

Հասցե՝ ՀՀ, ք. Տաշիր, Գետափնյա փ. 13շ. բն.3

Տնօրեն՝ Դավիթ Խանադյան

Անձնագիր՝ AU0253702

Հեռ: (+374 94) 75 72 50

Էլ. փոստ՝ dcompany1801@gmail.com

Պատվիրատու՝ «Ռուբիկ Հարությունյանի անվան

Արմյանի բժշկական կենտրոն» ՓԲԸ

Հասցե՝ ՀՀ, ք. Արմյան Հատիսի 6

Գնման ընթացակարգի ծածկագիրը և առարկան՝

«Ռուբիկ Հարությունյանի անվան Արմյանի բժշկական կենտրոն» ՓԲԸ-ի կարիքների համար՝

«դեղորայքի» ձեռքբերման նպատակով հայտարարված ԱԲԿ-ԳՀԱՊՁԲ 22/3

ծածկագրով գնանշման հարցման ընթացակարգ

Բ Ո Ղ Ո Ք

• ***Գործի հակիրճ նկարագրությունը և բողոքի փաստերը***

«Ռուբիկ հարությունյանի անվան Արմյանի բժշկական կենտրոն» ՓԲԸ-ի կարիքների համար «դեղորայքի» ձեռքբերման նպատակով հայտարարվել է ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգ:

«Դ-Քոմփանի» ՍՊԸ-ի կողմից 10.12.2021թ-ին ներկայացվել է հայտ, որը պատվիրատուի կողմից մերժվել է՝ գնային առաջարկում էլեկտրոնային ստորագրության բացակայության պատճառով:

• ***Բողոքի իրավական հիմքերը և հիմնավորումները.***

«Ռուբիկ Հարությունյանի անվան Արմյանի բժշկական կենտրոն» ՓԲԸ-ի կարիքների համար՝ «դեղորայքի» ձեռքբերման նպատակով հայտարարված ԱԲԿ-ԳՀԱՊՁԲ 22/3 ծածկագրով մրցույթը գնահատող հանձնաժողովը մերժել է «Դ-Քոմփանի» ՍՊԸ-ի հայտը՝ հիմք ընդունելով ՀՀ կառավարության 04.05.2017թ. 526-Ն որոշմամբ հաստատված կարգի 32 կետի 2-ին մասը, ըստ որի՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և



ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը: Մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման: Ընդ որում, մասնակցի հայտը ենթակա չէ մերժման, եթե՝

ա. գնային առաջարկի արժեք և ավելացված արժեքի հարկ սյունակները լրացված են միայն թվերով, իսկ ընդհանուր գնի սյունակը՝ և՛ տառերով, և՛ թվերով կամ միայն տառերով,

բ. գնային առաջարկի արժեք և ավելացված արժեքի հարկ սյունակներում տառերով կամ թվերով նշված գումարների միջև առկա է անհամապատասխանություն, սակայն տառերով կամ թվերով նշված գումարներից որևէ մեկի հանրագումարը համապատասխանում է ընդհանուր գնի սյունակում տառերով նշված գումարին,

գ. գնային առաջարկում չափաբաժնի համարը սխալ է նշված, սակայն գնման առարկայի անվանումը ճիշտ է լրացված,

դ. գնային առաջարկի արժեք, ավելացված արժեքի հարկ և ընդհանուր գումար սյունակներում տառերով կամ թվերով նշված գումարների լումաները կլորացված են մինչև հինգ տասնորդականը՝ դեպի ներքև ամբողջ թիվը, իսկ հինգ տասնորդական և դրանից ավելին՝ դեպի վերև ամբողջ թիվը,

ե. գնային առաջարկի արժեք և ավելացված արժեքի հարկ սյունակներում գումարները լրացված են ինչպես թվերով, այնպես էլ տառերով, և դրանք համապատասխանում են միմյանց, իսկ ընդհանուր գնի սյունակում տառերով նշված գումարի մեջ լրացված են ավելորդ բառեր, որի արդյունքում ստացվում է գոյություն չունեցող թիվ: Ընդ որում, սույն պարբերության մեջ նշված դեպքում գնահատող հանձնաժողովը հայտը գնահատելիս հիմք է ընդունում արժեք և ավելացված արժեքի հարկ սյունակներում տառերով լրացված գումարների հանրագումարը,

զ. գնային առաջարկի սյունակներում տառերով լրացված գումարների մեջ լումաները նշված են թվերով.

Վերոնշյալ հոդվածը ներկայացնում է գնային արժեքի(թվերի), ավելացված արժեքի հարկի, չափաբաժնի, տառասխալների և սյունյակների անհամապատասխանությունների տեսակները և բացառությունները, իսկ էլեկտրոնային ստորագրության բացակայության մասին կարգավորումները սահմանված են նույն որոշման 40 և 41 կետերում:

Սույն դեպքում Պատվիրատուն մերժել է «Դ-Քոնֆանի» ՍՊԸ-ի հայտ առանց շտկման հնարավորություն տալու այն հիմքով, որ գնային առաջարկը հաստատված չէ էլեկտրոնային ստորագրությամբ:

Հետևաբար, **հաշվի առնելով, որ սույն դեպքում հայտը մերժվել է էլեկտրոնային ստորագրության բացակայության հիմքով՝ թիվ 526-Ն որոշման 32-րդ կետի 2-րդ մասը չէր կարող դրվել հայտի մերժման հիմքում, քանի որ դրա կարգավորման առարկան այլ է:**

ՀՀ կառավարության 04.05.2017թ. 526-Ն որոշմամբ հաստատված կարգի (այսուհետև՝ Կարգ) 40-րդ կետի 4-րդ ենթակետի համաձայն՝ հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Սույն կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում *ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ*, ապա հանձնաժողովը *մեկ աշխատանքային օրով կասեցնում է նիստը*, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Վերոգրյալ իրավակարգավորումներից ուղղակի հետևում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի հրավերի պահանջներին՝ իր տվյալների համապատասխանության մասին հայտարարությունը, գնային առաջարկը, ինչպես նաև հրավերով նախատեսված այլ փաստաթղթեր (տեղեկություններ): Այն դեպքում, երբ առկա են անհամապատասխանություններ հրավերի և ներկայացված հայտի միջև, ներառյալ՝ երբ ներկայացված փաստաթղթերը հաստատված չեն էլեկտրոնային ստորագրությամբ, հանձնաժողովը մեկ օրով կասեցնում է հայտերի գնահատման նիստը՝ հնարավորություն տալով մասնակցին շտկելու հայտնաբերված թերությունները:

Սույն դեպքում ԱԲԿ-ԳՀԱՊՁԲ 22/3 ծածկագրով գնահատող հանձնաժողովը 13.12.2021 թվականի թիվ 2 արձանագրությամբ, թեև նշել է, որ «Դ-Քոմֆանի» ՍՊԸ -ի հայտում գնային առաջարկը հաստատված չէ էլեկտրոնային ստորագրությամբ, այդուհանդերձ, վերջինս ընկերությանը չի վերապահել հնարավորություն մեկօրյա ժամկետում շտկել առկա թերությունները: Նման կերպ ԱԲԿ-ԳՀԱՊՁԲ 22/3 ծածկագրով մրցույթը գնահատող հանձնաժողովի կողմից թույլ է տրվել ՀՀ կառավարության 526-Ն որոշման 41-րդ կետի պահանջների խախտում:

Վերոգրյալի հիման վրա՝ եզրահանգում ենք, որ «Ռուբիկ Հարությունյանի անվան Աբովյանի բժշկական կենտրոն» ՓԲԸ-ի կարիքների համար՝ «ղեղորայքի» ձեռքբերման

199/35/2021

նպատակով հայտարարված ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգը չի կատարվել ՀՀ կառավարության 04.05.2017թ. 526-Ն որոշմամբ հաստատված կարգի:

Վերոգրյալի հիման վրա և ղեկավարվելով «Գնումների մասին» ՀՀ օրենքի 46-րդ հոդվածով՝ Գնումների հետ կապված բողոքներ քննող անձին

ԽՆԴՈՒՄ ԵՄ

1. Պարտավորեցնել թիվ ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգի հանձնաժողովին 13.12.2021 թվականին կազմված թիվ 2 արձանագրությունը՝ «Դ-Բոմֆանի» ՍՊԸ-ի հայտը մերժելու մասով անվավեր ճանաչել/վերացնել:
2. Պարտավորեցնել թիվ ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգի հանձնաժողովին «Դ-Բոմֆանի» ՍՊԸ-ին թույլատրել կատարել 13.12.2021 թվականի թիվ 2 արձանագրությամբ սահմանված անհամապատասխանությունների շտկում:
3. Պարտավորեցնել թիվ ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգի հանձնաժողովին անվավեր ճանաչել (վերացնել) 03.01.2022 թվականի բանակցությունների արդյունքում կազմված թիվ 3-րդ արձանագրությունը՝ 91-րդ չափաբաժնի մասով, և այդ մասով անցկացնել գների իջեցման շուրջ համաժամանակյա նոր բանակցություններ:

Բողոքին կից ներկայացվում են

1. «Դ-Բոմֆանի» ՍՊԸ -ի վերաբերյալ իրավաբանական անձանց պետական ռեգիստրից քաղվածք.
2. Պետական տուրքը վճարելը հավաստող անդորրագրի օրինակ,
3. ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգի հանձնաժողովի 13.12.2021 թվականի թիվ 2 արձանագրության պատճենը,
4. ԱԲԿ-ԳՀԱՊՁԲ 22/3 ծածկագրով գնանշման հարցման ընթացակարգի հանձնաժողովի 03.01.2022 թվականի թիվ 3 արձանագրության պատճենը:

Հարգանքով՝

«Դ-Բոմֆանի» ՍՊԸ -ի տնօրեն՝



14. 01. 2022թ.